



UNIVERSITÄTS-
BIBLIOTHEK
PADERBORN

**Bavaria Sancta Maximiliani Sereniss. Principis Imperii,
Comitis Palatini Rheni, Vtrivsq. Bav. Dvcis Avspiciis**

Rader, Matthäus

Monachii, 1615

B. Bertoldvs è S. Francisci Disciplina Ratisponensis.

[urn:nbn:de:hbz:466:1-79686](https://nbn-resolving.org/urn:nbn:de:hbz:466:1-79686)

DE B. BERTOLDO.

B. BERTOLDVS

è S. FRANCISCI DISCIPLINA

RATISPONENSIS.

CIO. CC. LX
XII.

Andreas
presbyter
Ratisp. lib.
de Mon. Ba
uaria.

Gonzaga
in Francis.
I. laus. l. i

ca. 5. pa. 46.

Stero An-

no CIO CCL

& CIO CCL

III.

Auentin.

lib. 2.

*Stero An-

no CIO CCL.

*Andreas

presbyter.



Atale & fatale solum habuit Bertoldus Ratisonam, germanissimus S. Franciscialumnus, magistro virtutis vsus viro pari religione B. Dauide, quem ab vrbe vocabant de Augusta, cuius religiosissima scripta nuper Augustæ prodierunt huic Bertoldo summæ tum spei furcalo olim dedicata; quæ sane spes Dauidem non fefellit, cum adeò progressus est in cælesti philosophandi disciplina, vt doctorem suum superasse videatur. Tantum potuit in dicendo Christiana eloquentia, vt veluti philtro quodam traheret auditores, quorum interdum censi sunt *sexaginta millia, interdum *centum millia. Sic enim Andreas presbyter in descript. Monasteriorum Bauariæ: Anno Domini CIO. CCLI. frater Bertholdus natione Ratisonensis, Ordinis fratrum Minorum prædicare cepit. Ad cuius prædicationem dicuntur aliquando centum millia hominum confluxisse. Hic sepultus est Ratispone ad fratres Minores, hoc habens Epitaphium.

CIO. CC. LXXII. XIX. CAL. IAN. OBIIT FRATER BERTHOL-

DVS. MAGNVS PRAEDICATOR. HIC SEPULTVS.

LVCIAE VIRGINIS.

Laudatur idem in libro conform. vitæ S. Francisci ad vitam Iesu

part. I. CHRISTI, & narratur miracula patrasse, interque Beatos *à Gonzaga numeratur. Insectabatur olim pro Cathedrâ, cum ad populum

P. 93. diceret, vitium acri & vehementi oratione, de quo sibi clam conscia

Andreas Francis. Platus. lib. 2. ca. 5. femina quædam territa & exanimata metu in mediâ populi con-

cione mortua subito concidit: tantus dolor simul poenitentem op-

presserat. Sed cum admonitu Bertoldi, omnes in genua fusi, pro salute misere deprecarentur, reuixit, causamque mortis palam exposuit:

jussam se in vitam redire, vt peccatum, quod exanimarat infelicem,

confessione dilueret. Adiecitque inter alia, quæ coram ad tribunal

supremi dictatoris mûdi citata spectarat, hoc tremendû sanè & nar-

ratu horrificum, ne dicâ spectatu. adducta simul eod. puncto tem-

poris sexaginta animarum millia, quæ in omni orbe varijs casibus ex

corporibus & vitâ eiectæ decesserant, tresque ex omnibus illis milli-

bus ad piaculares purgatorij ignis flammâs destinatas, reliquas omnes præcipi-

præcipites abiisse ad sempiterna inferorum supplicia & tormenta, vnum è coetu & Francisci transisse per loca purgatoria, secumque duos ex olim familiaribus ad cælum intactum ipsum deduxisse.

In MS. conuentus Monacensis hæc de eodem Bertoldo cogno- 1256
sco. *His temporibus frater Bertholdus de Ratissponâ Ordinis nostri eximius prædi-
cator, exequens in iunctum sibi prædicationis officium, tantum profecit vniuersi-
tati tam populi, quam Cleri, ut omnium in cordibus & auribus fuerit admirandus.*

In eisdem chartis anno CIO.CC.LXXI. & LXXII. hæc de eodem traduntur.

Anno prædicto CIO.CC.LXXI. XVII. Calend. Decemb. obiit Reuerendus & religiosissimus Pater, Frater David in Augusta sepultus, socius Fratris Bertoldi de Ratissponâ, qui scripsit libellum De exteriori & interiore hominis compositione, secundum triplicem statum, videlicet incipientium, proficientium, & perfectorum. & breuem expositionem super regulam fratrum Minorum, ut clarius habetur in ejus legenda, quam in majori Cronica posui. Hora obdormitionis ejus reuelata fuit Fratri Bertholdo actu Ratissponæ prædicanti, qui recommendans eum populo hunc versum: Qui pius, prudens, humilis, pudicus,

Sobrius, castus, fuit & quietus

Vita dum præsens, &c. in ejus laudem dixit. Et sequenti anno CIO.CC.LXXII. in festo S. Lucie Virginis obiit etiam feliciter ipse Frater Bertholdus de Ratissponâ, Prædicator magnus in diuersis Prouincijs, videlicet Thuringiâ, in Bohemiâ, vbi habuit interpretrem Fratrem Petrum cognomento Oderincium, sepultum in Glaz, & ibidem prædicauit Frater Bertholdus in campo sub tiliâ, quæ usque hodie dicitur Bertholdi, quam ego oculis meis vidi prope Glaz. Hujus prædicatoris verba vtilia & magnifica facta, ut alterius Helie, peccatores conuertentia ad Dominum fuerunt, Nam multos Vngaros conuertit, cum infideles Cumanii multos seduxissent. Verbum ejus quasi facula ardebat. Posuit enim Deus os ejus quasi gladium acutum. Super caput ipsius, in Thuringiâ à fide dignis religionis vtriusque sexus, cum secundum morem faceret, plures coronæ fulgidæ videbantur. Hic sepultus jacet in Ecclesiâ Fratrum Minorum Ratissponæ, juxta murum versus ambitum, & pluribus miraculis à die transitus sui claruit,

sicut latius continetur in majori Cronica. Hæc chartæ

Monacenses.

